

الكتب القيمة المخزونة الكاملة لقومية عوي الصينية

回族典藏全書

吴海鷹 主編

甘肅文化出版社
寧夏人民出版社

131

主編

吳海鷹

副主編

吳建偉

雷興魁

雷曉靜

回族典藏全書

131

甘肅文化出版社
寧夏人民出版社

寧夏回族自治區人民政府

資助

寧夏社會科學院

主辦

寧夏少數民族古籍整理
出版規劃領導小組辦公室

編輯

第一百三十一冊 目錄

朔方道誌(卷十七——卷二十五)

民國鉛印本

民國·馬福祥

.....

一

【回族典藏全書】

文獻名 朔方道誌
作者 民國·馬福祥
版本 民國鉛印本

朔方道志

馬福祥書



朔方道志卷之十七

人物志二 學行 孝友

學行

昔人有言行道者君相明道者師儒道不明則道即不行故師儒其最重也因特輯學問醇正品行端方者爲一類以爲士之矜式焉

明

朱孟德翰林院庶吉士善詩文人以太白稱之

宋 儒江西僉事有儒行以範俗從事鄉賢

常 秦定州學正受學薛瑄明性理之學任學正時以正學教誨士人

及卒貧不能歸諸生留葬於定州

周 鏞字蒲溪靈州歲貢初任山西平定州訓導陞靈州所教諭篤學

窮理兩任司鐸恒以道德與諸生相長都給事中俞變出其門

朔方道志

卷十七

人物志二 學行

天津華泰印書館代印

文獻名 朔方道誌
作者 民國·馬福祥
版 本 民國鉛印本

文獻名 朔方道誌
作者 民國·馬福祥
版本 民國鉛印本

劉芳猷字巨卿寧夏人爲山西潞安丞被誣罷歸工詩文著有澄安集
歸田詩草

楊奎甲平羅人由翰林牧吉州被議徙蜀之眉山著書自娛
清

孟養龍靈州恩貢工詩文尙氣節流賊攻城養龍糾衆捍禦靈州卒得
保全寧夏道黎士宏撰墓志詳載其事著有吹萬吟

孟之珪靈州進士天姿穎異品行端方詩文字學兼有名於時立條教
闡明理學至今士林皆宗仰之

劉 得字煥章中衛舉人學務實踐視五經四書爲身心性命之事如
馮少墟王復齋諸前輩著作之遺亡者悉重爲梓行其言曰正心誠意
以修身主敬致知以力學而後性命一歸於正可以知其爲學之本原

矣

張 坤諸生忠信淳謹讀書有心得不徒爲章句學教授生徒遇有家貧質美者資助其膏火成就人材甚衆事親誠恪兄弟友愛宛若童穉鄉里無間言

李震緒寧朔歲貢品端學優師表後進多所成就生平著作甚富遭震焚燬其孝友睦淵鄉黨至今咸爲推重

劉豫泰武功縣訓導制行剛方事繼母以孝聞教弱弟皆口授經書課徒則先品行後文藝常以誠敬二字銘座右雍正二年寧夏道府以文廟祭器殘缺欲修舉而難其人豫泰博採遺書圖式尺度一遵古制在武功捐修廟舍訓諸生循訓不倦所著詩文清矯拔俗有古人風

劉宏毅字重遠拔貢生天姿敏捷好學問制藝日可十餘篇尤工於詩

朔方道志

人物志二 學行

二

天津華泰印書館代印

文獻名朔方道誌
作者民國·馬福祥
版本民國鉛印本

文獻名 朔方道誌
作者 民國·馬福祥
版本 民國鉛印本

著有詩論十則

李 愬號誠菴靈州進士累官監察御史糾彈無隱後以事罷歸寓寧朔馬寨堡教授生徒以修脯自給從遊者甚衆常以生平所身體力行
者存誠行恕敦孝弟戒淫行謹言語慎威儀嚴交遊立志節八則告誠
弟子學者欽仰之

王之曾貢生華亭縣教諭居鄉樂善好施敦本睦族鄉人仰之在華亭
任時捐俸倡修文廟士人至今稱頌

周道煥字含章拔貢生好學不倦督學孝徵王公甚器之惜年未四十
而卒

柴可楫歲貢生任寧州學正課士嚴明有貧不能讀者輒以俸錢資助
之士人至今感頌云

賀爾康貢生任鎮安縣訓導修鎮安志未成歿於官知縣聶公夜夢與語若有所請者聶驚覺曰是不忘此志也聶續成之並錄其異於志胡秉正字建中歲貢生任懷縣訓導少穎異工詩文教誘生徒循循有規矩司鐸數載懷民至今猶思之

王家瑞字吉人歲貢生博學多聞居家孝友練達時事有肆應才學校有公事每推爲領袖云

許體元字御萬靈州優貢賦質淳樸沉潛理學尤精於易後任安定縣訓導時值歲荒體元奉令出賑寧濫毋遺尋告休著有春秋傳叙易經彙解

王家彥字迪人寧夏諸生性坦易慈祥與物不爲畛畦少孤事伯叔父母如所生視堂兄弟如同胞本府監收同知王公題其堂曰式好能文

文獻名朔方道誌
作者民國·馬福祥
版本民國鉛印本

文獻名 朔方道誌
作者 民國·馬福祥
版本 民國鉛印本

章耽典籍購求古書不計其貲故郡中藏書推王氏爲最尤喜周急濟困見義必爲荒祠廢廟有關風教者率爲創首如岳武廟王仲山公生祠皆其所經理云

史師朱寧朔縣廩生性直諒動必以禮不苟言笑誘掖後進一以敦本力行爲先教爲文詞不尙浮靡達意而止鄉黨欽其方嚴稱之曰古人王寅字賓陽靈州拔貢學有本原事親能以志養工詩文教授於家遊其門者多以學著其子久可中乾隆壬申鄉試孫晟中丁酉鄉試庚子進士翰林院庶吉士

葉永賓字子穎貢生性淳雅有德望能文章工書翰整練端凝地震後凡公廨祠宇匾額多所題署

楊浣雨字紫瀛寧夏縣進士截取知縣沉潛理學名利澹如著書甚富

乾隆四十五年承修府志徵文考獻殫見洽聞時論多之喜豪飲醉後賦詩作書顧盼自雄饒有李白斗酒張旭三杯之風致云

路 淡字悟齋寧夏縣翰林供職京師因事挂誤歸家教授生徒不談時事主講關中書院一時英俊多出其門著有悟齋文稿

張 坦字履甫寧夏縣舉人性剛介有學行主講銀川書院訓迪有方門下多所成就後授涼州教授司鐸數載士林咸稱頌焉

許 煥字玉堂寧夏縣貢生品端學優不染公務因材教育從學衆多爲文清矯不羣前太守黃自元許爲大器卒因鄉閭時論惜之

任 墀武寧夏縣廩生學問淹博設教鄉里循循善誘門下多所成就武生蔡景烱文武兼全同時設教從遊亦衆當時稱善教者動曰任蔡

怡希孟字綠岩寧夏縣貢生學問淹通尤工書法筆力遒勁直逼顏柳

文獻名 朔方道誌
作者 民國·馬福祥
版本 民國鉛印本

人得其隻字恒什襲藏之

張鳳紀寧朔縣增生學有根底隱居教授操行不苟士林重之

麥永年寧朔縣舉人同治回亂數赴慶陽請兵以功保知縣加同知銜
退歸授徒主講銀川書院後進成就甚衆至今猶感頌之

吳樂卿寧朔縣舉人同治回亂積功保直隸州知州主講銀川書院訓
廸不倦人謂與麥永年先後媲美云

馮 燃寧朔縣貢生敦品勵行耄而好學教讀生多所成就學政賜一
鄉人瑞匾額以旌之

趙尙仁字壽山靈州舉人性沉靜家貧力學一燈一榻寒暑弗輟諸子
百家靡不涉獵書法尤秀潤惜年未三十而卒

史繼經平羅貢生耽嗜經史名利澹如里中後學靡不得以一瞻光霽

爲榮幸焉

張松年字壽山靈州舉人司鐸狄道淡於仕進歸里授徒以德行爲先常謂士不敦品雖學富五車亦糟粕耳

吳復興字振庭寧朔縣恩貢生學問優長課讀以勤嚴著歲科兩試門士恒占多數邑中文昌閣獨力創修其培植文風有足多者

張 昉字升菴寧朔縣拔貢居心恬淡而地方公益則勇爲仔肩嫌怨不避尤喜排難解紛有爭訟者咸取平焉閭里均推重而信服之王曰秀字實夫寧夏縣恩貢生性情耿介操守不苟同治兵燹後郡城書院已成荒墟曰秀受知於張翼長隴乘間請修仍名銀川啓迪後進有不循理法者輒爲面責從學生徒罔不服其嚴勵尤精於醫決人吉凶率多不爽著有醫經若干卷

文獻名朔方道誌
作者馬福祥
本民國鉛印本

文獻名 朔方道誌
作者 民國·馬福祥
版本 民國鉛印本

吳復安字心齋寧朔縣舉人潛心經史澹於名利歷膺郡城中學師範各校監督發明科學訓士有方士子翕然從焉民國七年續修道志復安充任編輯事功未竟賁志以沒時論惜之

董基成平羅縣庠生勤耕課讀足不履城市同時有王九齡者性尤古樸家無一椽好學不輟與基成並稱

丁育桂鎮戎同心城恩貢授中衛縣訓導鎮戎新設之邑且屢遭兵燹不知禮義育桂創立義學循循教誘自是文風大振人謂之有功名教陳國統字建三寧朔縣舉人主講銀川書院誘掖後進有春風時雨之樂後任涇州學正卒於官

朱文煥字雲章寧朔縣舉人任狄道州學正訓士有方士林至今感頌英元字乾周號體仁寧夏滿營駐防恩貢任鑲黃旗防禦兼教生徒

百餘人循循善誘著有鷗蟀微吟草集益堂小草靜修日記等草
成 元字統一寧夏駐防鑲白旗舉人初學百家言汜濫於釋老者有
年繼復歸於存誠主敬兼精岐黃佐將軍金順克復新疆功擢佐領加
協領銜卒於里。

固呢堪字貞卿寧夏駐防鑲紅旗生員積學能文尤精易理教授有方
諸生有失檢者責不少貸後佐將軍金順幕事積勞病故時論惜之
拉 禮字果臣寧夏駐防鑲黃旗蒙古生員賦性沉靜好學不倦尤精
書牘由協領擢伊犁副都統

錫 慶字佛航寧夏駐防正白旗庠生性淳謹博通經史與宋儒性理
諸書相寢饋教授生徒以主敬存誠爲體經史爲用著有芸花館日記
魏國祥鎮戎紅城水貢生讀書有得兼精岐黃同治時避亂歸里屏絕